

NOVEMBER 2021

Kev Hloov Pauv

Yog lub sij hawm nthuav ob txhais tes txais tos lub caij nplooj ntoos zeeg thiab tej kev hloov pauv uas los nrog lub caij nyooq. Qhov no tej zaum kuj yog pib ua tej yam tshiab, npaj tej kev sib ntsib nrog tsev neeg, los tsuas yog ua kom swm rau tus huab cua hloov tshiab. Txoj kev hloov pauv ntawm lub caij nyooq yog ib lub sij hawm tseem ceeb los ntxiv tej yam zoo rau koj lub neej. Lub hlis no peb yuav hais txog ntau txoj kev los muab kev hloov pauv rau koj lub neej los ntawm txoj kev xav txog tej yam zoo.




Kev Xav Txog Tej Yam Zoo Thaum Sawv Ntxov

Kev xav txog tej yam zoo thaum sawv ntxov yog ib yam cuab yeej los pab koj lub siab kom tus nyob tau ntsiag to thiab muaj kev nkag siab rau peb lub neej. Pib koj hnuv los xav ib me pliag txog ib yam dej num me me yuav pab ua rau koj muaj kev kaj siab, ntxiv txoj kev xav txog qhov zoo, thiab txo tej kev nyuaj siab. Thaum lub caij nplooj ntoos zeeg los txog, peb yuav pom ntau yam hloov pauv nyob ib ncig peb. Qhov no yuav yog tej nplooj hmab nplooj ntoos hloov xim daj pes vog qhov txhia chaw ua rau tej huab cua los kuj hloov pauv nyob sab nraud. Kev xav txog tej yam zoo yuav pab peb nkag siab txog tsib yam uas peb muaj (xws li, pom, hnov suab, hnov tsw, hnov qab, kov tau) thiab koj peb mus rau ntawm no thiab tam sim no. Peb caw koj los siv sij hawm li tsib feeb txhua tag kis ntxov, pib qhov sib zog ua pa kom tob, thiab siv kom tas nrho tsib yam uas koj muaj kom tau pom thiab tau ntsib cov kev hloov pauv ntawm lub caij nplooj ntoos zeeg.

Tso Mus

Nws kheev yog ib qho tsis yooj yim thaum muaj tej kev hloov pauv hauv peb lub neej vim qhov ntawd txhais hais tias peb yuav tau “tso” tej yam qub uas peb ib txwm swm mus rau yam tshiab uas peb tseem tsis tau khab seeb. Kev tso tej yam uas pheej tuav peb cia – muaj qhov phom sij tsis zoo los yog yeej tsis tshua tseem ceeb – kuj muaj qhov zoo rau koj lub hlwb kom tsis muaj mob. Thaum peb loj hlob tuaj thiab pom ntau yam hauv lub neej, peb kheev yuav ntsia pom lub neej mus raws li tej uas peb tau ntsib thiab tau pom ntawd. Qhov no kheev yog ib qho tsis zoo rau peb lub hlwb txoj kev noj qab nyob zoo. Nws yuav ua rau peb tsis paub meej hauv peb txoj kev txiav txim siab thiab qhov peb xam pom yuav nyuaj dua rau peb tso tau tej yam mus. Siv qhov xav txog tej yam zoo los thaub qab ib kauj ruam kom ntsia pom yam tshiab yuav pab tau peb thaum peb tso yam qub mus. Ntawm no peb xav kom koj qhia li ob peb yam uas koj xav muab tso mus thiab caw yam tshiab los rau hauv koj lub neej. Hauv qab no yog ib cov piv txwv:

- Hnub no, kuv tso qhov pheej khuam ua tsis tau dab tsi mus, thiab kuv txais tos qhov loj hlob
- Hnub no, kuv tso tej yam uas pab tsis tau kuv mus, kuv caw yam tshiab los rau ntawm kuv qhov chaw
- Hnub no, kuv tso qhov pheej tsis haum nrog kuv tus khub mus, thiab caw lub sij hawm los mus nrhiav kom paub kuv tus kheej



Zwm Rau kev Kos Duab

Txhua yam nyob ib ncig yus yog yam daws tau tej kev nyuaj siab, yog li sim muab qhov kev xav txog yam zoo thiab kev kos duab los tso ua ke. Koj yuav ua tau qhov no yam yooj yim xws li coj koj qhov kos duab mus rau sab nraum zoov, los yog siv cov tswv yim nram qab no:

- Muab tej yam xws li cov nplooj ntoos, cov paj, thiab cov pas los yog cov ceg ntoo los tso ua ke kom tsim tau ib yam duab tshiab (collage)
- Tsim kom tau ib daim duab los ntawm cov pob zeb, av, suab zeb, los yog lwm yam
- Tsim kom tau cov duab xim (paints) koj tus kheej los ntawm tej khoom nyob ib ncig uas koj nrhiav tau thiab nrhiav cov pas txhuam (paintbrushes) koj tus kheej los ntawm cov nplooj ntoos thiab tej ceg ntoo
- Nrhiav cov khoom sib txawv (xws li cov voj voos (circles), cov plaub ces kaum xwm yeem (squares), cov hnub qub (stars), thiab lwm yam) uas muaj nyob ib ncig koj thiab muab los rov tsim kom tau lwm yam tshiab uas yog siv tej khoom hauv tsev

